

Timatanga whakahaere mo aua wharepukapuka.

(b) Na te Ropere i motini na Paora Rangiaaho i tautoko me timata te whakahaere o enei wharepukapuka i nga Pariha o Rotorua. Whakaaetia ana.

III. Nga mahi o nga Pariha.

Na Mohi i motini na te Manihera i tautoko kia whakatakoritia mai e ia miniti nga mahi o tona pariha o tona pariha ki te aroaro o te Hui a te Komiti Tumuaki ina tu te Hui i nga wa e Karangatia ana ratau; a ko te ahua o nga mahi hai Kawenga mai ki te Hui ina te Tiamana e whakatakoto a-patai ki ia miniti ki ia miniti i mua mai o te ra e hui ai. Whakaaetia ana.

IV. Mo te 10 Eka.

Tiamana:—Kaore he mana o tenei Komiti ki runga o tenei 10 Eka kei te Komiti nui i Nepia anake te whakahaere.

V. Mihana ki Tauranga me era atu waahi.

Na Wiremu Kingi i motini na Rewi i tautoko:—

Kia whakahaerea ano te mahi mihana a Rev. P. A. Peneti, hai whakaoho i te Rongopai i te takiwa o Tauranga.

Whakaaetia ana.

VI. Moni Hora i te Rongopai e £70.

Na Mohi i motini na Paora Rangiaaho i tautoko:—

Ko nga moni ma ia Pariha mo te hora i te Rongopai me tuku mai ki te Tiamana o te Komiti Tumuaki, a me rite tenei moni i te tau e haere nei. Whakaaetia ana.

Mo te Pariha o Rotorua.

Wiremu Kingi:—I runga i te titiro taumaha ki nga whakahaere o tenei Pariha i te titiro hoki ki te tokomaha rawa o nga tangata o te Hahi o tenei Pariha, ka whakaaro matau te Komiti o te Hahi o Ohinemutu kia wahia kia rua wahanga o tenei Pariha.

(1) **Ohinemutu**---Waitete. Te Awahou me te Mamaku.

(2) **Whakarewarewa**—Ki Mourea.

Ko nga moni reti o te Ngae me waiho atu mo te wahanga No. 2. Ki te whakaaro ma konei ka kaha ai nga mahi.

Tiamana:—Kai te pai tenei whakaaro mehemea kai te pai hoki nga tangata o Ohinemutu, engari ma te Hinota ano e whakatahi tenei take.

Wiremu Kingi:—Kai te paingia tenei tikanga engari kia iti nei te moni o te Ngae e wehe mai mo Ohinemutu kia £10.

VII. Pariha o Rotorua kia wahia kia rua wahanga.

Na Raimona i motini na Tiakiawa i tautoko:—

E whakaae ana tenei Huinga o te Komiti Tumuaki kia wahia te Pariha Rotorua kia rua wahanga.

(1) Ohinemutu ki te Mamaku.

(2) Whakarewarewa ki Mourea.

Ko te moni Reti o Te Ngae me waiho mo te Pariha No. 2.

Paahitia ana.

VIII. Ingoa mo te Pariha No. 2.

Na Tiakiawa i motini na Raimona i tautoko:—

Ka pa te mate ki te tamariki whangaia ki te **Woods' Great Peppermint Cure.**